

WILLEMSTAD-- Maduro & Curiel's Bank, ku plaser ta laga sa ku obra di e poeta Nydia Ecury a sali publiká den 'Calabash' No. 2. Esaki ta un revista ku e fakultat di Arte i Literatura di New York University ta publiká i ku ta sali dos bes pa aña.

E kontenido ta konsistí prinsipalmente di obra literario di outor i poeta di re-

Obra di poeta Nydia Ecury a sali publiká den 'Calabash' no.2

gion di Karibe. Nan ta sali sea na ingles of na e idioma nativo di kada persona ku ta kontribuí, huntu ku un vershon of tradukshon na ingles banda di dje. Kada obra proponé mester pasa pa un komishon editorial ku ta huzga i disidí si e ta aseptabel. Na novèmber 1995, Nydia Ecury a publiká 'Un sinta den bientu', un

kolekshon di 30 poema ku 'Bo Banko Amigu' a spònsa. Awor e poema prinsipal di e kolekshon a sali publiká den e di dos edishon di 'Calabash' na ingles - 'My love, a ribbon in the wind' - i na papiamentu. Otro poema di Nydia ku e

komishon a skohe pa publikashon ta 'Next door patient / Pashent aki banda'. Ademas e komishon a inkluí tres evento outobiográfiko di Nydia su hubentut, esta: 'No matter what', 'Wich other one' i 'Promises should be kept'. Maduro

ro & Curiel's Bank ta sumamente orguyoso di por a spònsa 'Un sinta den bientu', mas ainda awor ku e poema ei i mas obra di Nydia Ecury a sali den 'Calabash', un revista literario merikano prestigioso. Esnan interesá den risibí informashon tokante e revista por tuma kontakto via website:www.nyu.edu/projects/calbash. •